



16. juli 2025

Inatsisartut ingerlatsinermut maleruagassaasa § 37 imm. 1 tunngavigalugu matumuuna ukunannga Naalakkersuisunut apeqquteqaaterparpunga.

Naalakkersuisunut apeqquteqaatit:

1. Naalakkersuisut kisitsisaatiginerpaat, sulisitat nunanit allaneersut qassit maani nunatsinni sulinersut?
 - a. Taakkunannga qassit danskisut innuttaassuseqarpat?
 - b. Taakkunannga qassit nunanit avannarlerneerpat?
 - c. Qassit Europami nunaninngaanneersuuppat?
 - d. Qassit nunani isumaqatigiissutit avataaninngaanneersuuppat?
2. Piumasaqaatigineqartarpa, nunanit allanit sulisitat, Kalaallit Nunaannut suliaartortinneqartut, nunagisaminni pillagaasimannginnermut allagartamik aammalu meeqqanik pinerliisimannginnermut allagartamik takutitsinissaat?
 - a. Piumasaqaataasoq eqimattanut ukununnga atuuppa:
 - i. Danskisut innuttaassusillit?
 - ii. Nunanit avannarlerniit allaniit innuttaasut?
 - iii. EU-mi innuttanut?
 - iv. Nunani isumaqatigiissutit avataaninngaanneersunit innuttaasunut?
3. Pillagaasimannginnermut aammalu meeqqanik pinerliisimannginnermut allagartaq taman ut atuuppa imaluunniit suliffeqarfiit ilaannaanut atuutsinneqarpa?
 - a. Piumasaqaat suliffeqarfinnut aalajangersimasuinnarnut atuutsinneqarpat paaserusunnarpoq, suliffeqarfiit suut, pineqarnersut?
4. Oqartussaassut imaluunniit sulisitsisut, pillagaasimannginnermut aammalu meeqqanik pinerliisimannginnermut allagartat piniarnissaannut nakkutiginnissaannullu akisussaasuuppat sulinissamut- najugaqarallarnissamullu akuerineqarnissamik qinnuteqaateqarnermut atatillugu?
5. Sunik kinguneqartarpa, nunanit allaniit sulisitaq pillagaasimannginnermut aammalu meeqqanik pinerliisimannginnermut allagartamik takutitsinnaatinnagu?
 - a. Assigiinngitsunik nalilersorneqartarpat pinerluuteqarsimanerup suussutaa apeqqutaatillugu?
6. Naalakkersuisut oqaluuserisamut soqutiginaatilinnik allanik paasissutissiisinnaanerlutik?

(Inatsisartunut ilaasortaq Jørgen Rosbach, Demokraatit)

Tunngavilersuut



Aggersitanik, nunanit allanit sulisussarsiorneq pisariaqartinneqaraluttuinnarpoq. Tamannalu pisarluni innuttaasunit Danmarkimiit, Nunanit Avannarlerniit, EU-miit aammalu nunani isumaqatigiissutit avataaninngaanneersunit innuttaasuniit. Taamaattumik isumaqarpunga, tulluartsuusoq paasilluassallugu, qanoq innuttaasut suliffeqarnermut toqqissisimanissamik tatiginninnerinullut tunngaviusut qulakkeernissaat.

Naatsorsuutigaara, oqartussat ersarissumik piumasaqaateqarnissaat, avataaniit suliaartortut imaannaanngitsunik pinerluutiminnik nassataqartannginnissaat. Tassani pingaartumik pineqarput suliaartortitat innuttaasunut atassuteqartartussat, meeqqanut inuusuttunullu imaluunniit illersornissamut mianernartumik suliaqartussanut.

Tassungalu ilutigalugu pingaaruteqarpoq paasissallugu, pillagaasimannginnermut aammalu meeqqanik pinerliisimannginnermut allagartaqarnissamik piumasaqaat tamanut atuutissanersaq imaluunniit ilaannaanut.

Apeqquteqaateqarnermut siunertaavoq piumasaqaatinut, inatsisitigut tunngavissanut akisussaassuseqarnermullu ammasumik ingerlatsinissaq aammalu qulakkeerniarlugu sulisussarsioriaaseq ima ingerlanneqassasoq, innuttaasunik illersuinerullunilu nunanit allanit suliaartortitanut naapertuilluurtumik ingerlanneqassasoq.

Apeqquteqaatima ullut suliffiusut qulit iluanni akineqarnissaat qilanaaraara.